



O Volapükafiens Valöpo !

Spikoy suvo tefü Kadām Volapüka. Kadām at ālabon ye jenavi bisarik.

Zeil Kadāma rigiko ābinon ad galedōn Volapüki hiela Johann Martin Schleyer. Pük alik lifik muton progedōn, bi sog in kel lifon i progedon ai. Kadām somik gididon ad geidōn püki, sodas Volapükans valöpo gebons püki ot ma desin datuvala ona. Ab atos no ājenos ai ko Kadām Volapüka.

Ūn yel 1897 Kadāmans lölöfiko ālūvoms Volapüki ela Schleyer. Kadām āvedon el „Akademi Internasional de Lingu Universal.” El Schleyer ābinom vutik. Kadāmans itrātoms omi. Seko ūn yel 1900 el Schleyer ifūnom Kadāmi nulik, kel idulon dü yels nog mäldegs.

Anu Volapük no labon Kadāmi, kel būo ikeilūkon gramati, imekon vōdis nulik ad notodōn suemodis nulik, ed irajanon xamis tefik Volapüka.

Bü brefüp eneodoy ad notodōn vōdi nulik, sevabo : quadriplegia, kel jūnu no ilabon vōdi leigik in Volapük. Pos bespikam anik fa limans Volapükapadas in vüresod, ezeppy vōdi : follimaflap. Jenōfo Volapükans at ebitoms ās Kadāmans.

Ab cedob, das Volapük adelik neodon Kadāmi ad geidōn progedi püka. Lio primōn-li? Te Cifal labom nāmāti ad dunōn osi calōfiko ma disin būik.

Ko Kadām calōfik, Volapük olabon stadi gretikum. Id obinos pōt legudik pro utans, kels vilons dūnōn püki it. Betikolsōs osi !!

Valikosi Gudikūn Oles ed Olikanes

sedom

Ralph

- • • • •

SMILIL

- | | | | |
|----|--|----|--|
| 1. | Näfäktik ga binos smilil,
Binon lölo äs grip.
Adel, smililo, ek obe ko zil
Äkoedon smililön su lip. | 2. | Smililo za gul ägölob;
Ek äküpedon smilili oba.
Log lü log ädasuemob
- Inäfäktob logoti oma! |
| 3. | Ed äbetikob smilili mödo,
Idasuemob völädi otik.
Smilil bel äs obik födo
Otävön zi Tal veitik. | 4. | If osenol ad primön smilili,
No lüvolös oni vaniko.
Kodobsös peideimili;
Näfäktobsös voli löliko! |

KLEILÜKOLÖD. BEGÖI SÄKÄDI OBIK

Kels binons gebs e diets vödas sököl, kels valiko pajonons in vödabuks dis „an” (Deutänapüko) u „at” (Linglänapüko)? (Ekö vöds lätikün, kells reldan esedom) :-

TÖ labon sinifis sököl :-

1. in top patik :-
 - a) Lödobs tö London ;
 - ä) Tö topäd at kanoy visitön bumis nitedik
2. I sinifon eli „point de départ” (= püni devegama) :-
 - a) De leveg, zifil stanon tö fagot milmetas kil

ÄL labon sinifis sököl :-

1. lüodü :-
 - a) Dom obsik binon äI sulüd;
 - ä) Yan fidacema dugon äI säIun
2. primü :-
 - a) ÄI soar famülans fidons kobo

SUI (= su + I) labon sinifis sököl :-

1. sinifon mufi löplo, u donio; föfio, u pödio :-
 - a) Cil grämon sui ludomil;
 - ä) Efalof sui glun;
 - b) Äxänob sui jevod;
 - c) Golobs aldeliko sui süt;
 - d) Stepoms sui föfagIun (u pödagIun)
2. dun vifik :-
 - a) Eseldom mane neifi sui gug oma;
 - ä) Pul badöfafredik epenom vödis badik sui völ.

LIF E DEAD IN ZIF 'SHANGHAI'

Ekö konot i verik, i menik stabü plaks voma bal dü Levolut 'Kulivik' Tsyinäna.

Lautan, jiel *Nien Cheng*, äkolkömofo ko matan oka, bi ägolons lü jul ot in Linglän. Ägetävons Tsyinäne ün yel 1939.

Ven Palet Kobädimik äperädon reiganefi ela 'Kuomintang' ed änüdranon* ini lif netik pos yels deg, jiel *Nien Cheng*, kobü matan ofa, dipan* ela 'Kuomintang,' ävälons ad blibön in Tsyinäna, e ad stütön reigamodi nulik kobädimik.

Ko zep reiganefa nulik, söi *Cheng* ävedom büsidacif valemik in bür ela 'Shell Oil International' (= Leülaprodam di 'Shell' Bevünetik) zifa 'Shanghai'.

Pos dead omik, sekü kanser, ün 1957, jimatana omik äprimof ad vobön pro kompenät bevünetik 'Shell,' kö äbitof as büsidacif pro pösodanef ed as yümäfizir bevü fed vobanas di 'Shell' e büsidacif valemik kompenäta. Ün tim et, jiel *Nien Cheng* äbinof vom soalik in Shanghai, kel älabof diniti somik lä kompenät foginik gretik. Täno, ün 1966, el 'Shell' äfärmükon büri at in Shanghai ed äloveükon labemi kompenäta lü ganet* reiganefa Tsyinänik ad garanön jäfotis fovik e pänsionis pösodanefe valemik di 'Shell.'

Ün yel ot, Levolut 'Kulivik' päprimon fa hiel *Mao Ze Dong*. Äkobükom Gardanefi Redik ed ädälädom omis ad moükön se län : 'Vönädis Fol,' sevabo: kuliv vönädik, geböf vönädik e tikamods vönädik. Gardanef Redik älonädon sinifi vöda : 'vönäd.' Ed älonädon ga ko vindit. Nems sütas päceinons ad fläkön mufi levolutik. Selidöps, kels ädünons liegikanis pädistukons. Söfs, resoramatrads, jönameds* e klots, kels ämemükons bosu pu katädimik, päfilons. Nems i leselidöpas päceinons, e magod hiel *Mao* pälagon valöpo in fenäts.

Ästöpoy beianis in süt, kels no äpolons klotis braunik/gediks vobanas, ed äkofoy onis demü kösömots 'vesüdik.'

„Kikodo polols-li blitis ko lögs nabik? Kikodo polols-li jukis tipik?

Gardans, kels äbinoms yuniks ä ziliks, ädugoms Tsyinäni su veg, kel

fino öneplöpükon läni.

Nevitoviko* äprimoy ad lerorön :

„Doniö ko el *Tao Feng!*” (Bukädanolavan cifik ela 'Shell' in Tsyinän).

„Doniö ko dog rönöl Lampörimanas, *Tao Feng* . . .”

„Doniö ko katädimans!”

„Lifö Levolut Kulivik gretik pöpa!”

„Lifö Dugan obsik gretik '*Mao*' !”

- Votastid ja iplaädon saunäli!

Jiel *Nien Cheng* e daut ofik, nemü '*Meiping*,' bälidotü lifayels teldegfol, kel äbinof jidramatan bioskopik in Shanghai, äbinofs zänodü kaota* at fifik. Jiel *Nien* äbinof pöjutazeil küläbik* sekü yümets oka foginik ä katädimiks.

Ün del semik, Gardans Redik lezilik änübreikoms ini dom jönik jiela *Nien*. Distukölo dalabotis vönik jeragik ofa, äleroroms :

„Dins at dutons lü kuliv vönädik . . . Dugan '*Mao*' etidom obis, das if no distukobs, no kanobs stitön dönu . . .”

Täno äkusadoms jieli *Nien* : „Binol neffen Reiganefa Kobädimik Pöpa. 'Jimagivanayag*' sonemik fino ireivon ofi.

Bukas 'vönädik' e foginiks mödikün pädistukons dü yels at fa fovans lezilik ela '*Mao*.' Plao, alikan ämuton studön penädis ä sagodis oma.

Dü Levolut 'Kulivik,' Tsyinän äfärmükon yanis oka rete vola, ed äpöjuton kulivanis ed alikanis, kels itedons ko foginans.

Äbinos filosof ela '*Mao*,' das klads calik e täläktiks mutons pamükükön.

Träit gönik, kel büo pägivon klades calik, löliko änepubon, e päleigükons müto.

Sekü atos, mens kulivik päveigons lü provins fagik ad vobön in fels.

E sekü calod geilik lä kompenät : 'Shell,' sekü dugäl ofa foginik, äsi lifamod liegik ofa, el *Nien* ämutof sufön düpis mödik lo kolköms 'töbik,' zeil kelas äbinos ad deimön neflenis kobädima.

„Vilol-li koefön?“ äflagoms ofi säkans.

„Neai edunob bosi ta pöp u ta reiganef Tsyinäniks,” äspikof. „Bür ela 'Shell' äbinon is, bi reiganef Tsyinänik ävilon osi. Būd ad dälön ele 'Shell' ad dakipön Bür ona in zif Shanghai pädunon fa Konsälalef Tatik, e pädispenon fa cifministeran it : *Zhou Enlai*. El 'Shell' labon vilöfi gretik pro Tsyinän äsi pro pöp Tsyinänik, ed ai elobedon lonis e nomemis lölöfiko. No binos desin ela 'Shell' ad jäfikön me bolit . . . ”

„. . . Do äspikob me vög laodik, nek in cem äkanom lilön seti lölik, bi valikos, kelosi äsagob, pänöyos fa vokäds vutik e fa lerors : „Koefolöd! Koefolöd!!

El *Nien Cheng* päjedof ini fanäbanöp, bi no ävilof siön, neverätiko, das äbinof 'spionan lampörimanas.'

Du Levolut 'Kulivik,' fanäböfans pämutons ad leblamön röletanis okas, i ad breikön kosami ko ons. Nilädans, flens e famülans pämutons ad mekön setädis* neverätik, sodas ons it no pöjedons ini fanäböf. Igo blod ela *Nien* balna inunodom tefü of, neverätiko, ad jelön oki it.

Ab el *Nien Cheng* äsludof ad sagön ai veräti, sevölo, das koef dobik öbrefükon fani ofik. Dü yels mäl e laf äsufof soalükafani.

„Neai edunob krimi dü lif lölik oba,” älesagof.

„If täno no edunol krimi, kikodo binol-li is in fanäböf? Jenöf, das binol is ya blufon, das edunol krimi,” äbinon tikäl bluvik, keli ägeboy ta of.

(Finoti konota nitedik at kanoy reidön su pads 'Sirkülapenäda' mula balidkömö).

VIII:63:2003

JIMAGIVANAYAG
JÖNAMEDS
SETÄD

a witch-hunt
cosmetics
a statement

NEVITOVIKO
NÜDRANÖN
(BALHON)

inevitably
(to) infiltrate
(unicom)

● ● ● ● ● ● ● ● ● ● ● ● ● ● ● ● ● ●

LEDIT NULIK

Oli eperob dönu adelo,
Ûn galikam obik imogolol,
Somiko, nen kod seimik.
Oli eperob dönu adelo.
Too, in drim,
Äsagol, das älöfol obi.

(Fa hiel Francesco Felici)

● ● ● ● ● ● ● ● ● ● ● ● ● ● ● ● ● ●

LEON E BALHON▲

Leon e balhon suvo ävisitons foti.

Leon älugon tü dels : mudel, tudel e vedel, ed äsagon verati tü dels votik viga.

Ab balhon älugon tü dels : dödel, fridel e zädel, ed äsagon verati tü dels votik viga.

Ûn del semik äkolkömob leoni e balhoni, kels ätakädons dis bim.

Ob: Glidis olis, o flens! Kisi vilols-li sagön obe?

Leon: Ädel äbinon del obik ad lugön.

Balhon: Ädel id äbinon del obik ad lugön !

Pos medit anik, äkanob sevön deli viga. Id ols, kanols-li tuvedön oni? If no, tuvedoti okanols reidön in nüm balidkömöf Sirkülapenäda.

NUNILS SE VOL LÖLIK

MAGIV IN LUT

Valikans sevons dö benosek nendotik bukas dö hiel Harry Potter. Bü brefüp pädabükon ya toum lulid sökoda famik. Tü del teldegmäliid yunula in el Albert Hall di London äjenon kolköm lanälanas ela Harry Potter mödotü folmil. Pö kolköm äkompenof jllautan, el Joanne K. Rowling. Plä reidans, kels äkömons lü el Albert Hall, kolkömi at äilülogons ballons reidanas se vol lölik, kels äbinons fo nünöms okik. Atos äbinos mögik danädü sesedam stedöfik in bevüresod. Kolkömi ädugom hidramatan, el Stephen Fry. Jiel J. K. Rowling ägespikof säkis mödik reidanas se vol lölik. Toum lulid binon ya benosek legretik; paselon vemo vifiko da vol.

... E MAGIV PÜKIK

Amulo tradut latänapükik (ed i tradut Velsänapükik) buka, tlädü „Harry Potter e Ston Filosopana” podabükons fa dabüköp „Bloomsbury” in zif London. Traduti latänapükik, sevabo : „Harrius Potter et Lapis Philosophi” edunom el Peter Needham, tidal in jul Linglänik di „Eton” - dabüköp i vilon dunön dabükoti vönag-ikänik, ab no nog etuvon tradutali.

LEZÄL PAGIK

Mens za kildegmil äglidons solasülöpikami tö stonasirk in „Stonehenge” (Sulüdalingleänb) tü del teldegbalid yunula. Nüm at lotidanas äbinon gretikün jünu. Soli äglidons kanits, danüds, vokäds e trumatons. Balidna sis yels mödik stom äbinon vemo jönik, tio nen lefogs. Büo, ün yel 1985, stonasirk päfarmükon kodü kondöt tu lenoidik pilgrimanas. Bü yels tel ämaifükoy oni dönu. Stonasirk di „Stonehenge” labon bäldoti yelas folmil.

JIMATAN NEN NAMS

Man päcödetom ad yels luldeg in fanäböp in Guyän, bi äcöpom namis matana. Ätikom, das äklinükof jukis mana votik. Matan eperof namis bofik, äsi gebi dilik loga.